

Pembangunan Kampus Uniciti Alam UniMAP Tarik Minat Politeknik

PADANG BESAR, 10 Jan (Bernama) -- Kejayaan Universiti Malaysia Perlis (UniMAP) membangunkan Kampus Uniciti Alam dilengkapi penginapan pelajar di Sungai Chuchuh di sini menarik minat Politeknik untuk melaksanakan konsep seumpama itu dalam rancangan pembangunannya.

Ketua Pengarah Jabatan Pembangunan Politeknik, Kementerian Pendidikan Tinggi Datuk Mohlis Jaafar berkata konsep itu sesuai dilaksanakan dengan sistem Pendidikan Teknikal dan Latihan Vokasional (TVET) bagi menampung bilangan pelajar yang ramai.

"Saya kagum dengan konsep UniMAP Sungai Chuchuh yang lengkap dengan kolej kediaman dan berharap konsep sama dapat dilaksanakan di 33 Politeknik seluruh negara," katanya.

Mohlis yang mengetuai pegawai-pegawai kanan Jabatan Politeknik berkata demikian semasa berucap selepas melawat Uniciti Alam yang dibina di atas tanah seluas 19.34 ekar (7.82 hektar),
Sabtu.

Turut hadir Naib Canselor UniMAP Datuk Prof Emeritus Dr Kamarudin Hussin dan Pengerusi Eksekutif Proven Holding Berhad merangkap Profesor Adjung UniMAP Datuk Dr Yusof Jusoh.

Proven Holding Berhad merupakan syarikat pemaju Uniciti Alam.

Sehubungan itu, Mohlis berharap UniMAP dan Politeknik dapat bekerjasama membangunkan kolej kediaman atau asrama seperti Uniciti Alam.

Terdahulu, Kamarudin berkata UniMAP bersedia berkongsi pengetahuan membangunkan infrastruktur Politeknik bagi memenuhi konsep TVET dan Pelan Pembangunan Pendidikan Malaysia 2015-2025 (Pendidikan Tinggi)(PPPM-PT).

Katanya pendekatan perkongsian pintar sektor awam-swasta dan penggunaan teknologi Sistem Binaan Berindustri (IBS) menjadi faktor kejayaan pembangunan Uniciti Alam yang dibangunkan pada 2012.

Uniciti Alam dilengkapi 480 apartmen berkeluasan 860 kaki persegi yang mampu menampung 3,840 pelajar Program Pengajian Teknologi Kejuruteraan dan pelajar Diploma.

Kampus itu juga mempunyai 92 kedai dan pejabat untuk usahawan dalam kalangan warga UniMAP termasuk pelajar menjalankan perniagaan, katanya.

Dikeluarkan oleh :

Unit Perhubungan Media UniMAP

Development Of UniMAP's Uniciti Alam Campus Attracts Polytechnics

PADANG BESAR, Jan 10 (Bernama) -- Universiti Malaysia Perlis' (UniMAP) success in developing the Uniciti Alam campus complete with students accommodation, at Sungai Chuchuh here, has attracted polytechnics to implement the same concept.

Department of Polytechnic Education director-general Datuk Mohlis Jaafar said the concept is feasible for the Technical Education and Vocational Training (TVET) system, especially to accommodate the number of students.

"The UniMAP Sungai Chuchuh concept complete with a residential college is impressive and I hope the same concept can be implemented in 33 polytechnics nationwide," said Mohlis who led senior officials of the Polytechnic Department to visit Uniciti Alam built on a 19.34-acre site yesterday.

Uniciti Alam consists of 480 apartment units measuring 860 square feet each and can accommodate 3,840 students taking Engineering and Technology Studies Programme and Diploma students.

The campus also has 92 shop units and offices for entrepreneurs from among UniMAP students doing business, said Kamarudin.

Proven Holding Berhad is the leading developer for Uniciti Alam.

Dikeluarkan oleh :

Unit Perhubungan Media UniMAP